

A PƆƆL GĀN WŪN SĒB KŪ A TITUSI

I Maa PƆƆl na ɪ a Nāanmɪn tōtōnō nɪ Yesu Kɪrɪsɪto nɪtōnāa, Nāanmɪn ir man tō ɪka n tɪ sōs a wō nɪchel ɪrsɪ sɔɔfɔ ka ba bōo a yelmāe tɪ turo a le a Nāanmɪn na bɔɔɔ ɪka ba turo.

II Ala le ɪ a nyevor na ba tara baarfɔ dōo bōon, a Nāanmɪn na ba ŋmaara jir ε, na tɪr a nɛɛ kɔ sɪ a nyevor nyā yeke sere tɪ bon jaa wa piel.

III A sōo 'lo na sɛɛ na wa ta, Nāanmɪn vɛ naa ka a wō 'yer gā chāa pɔ, ka n 'yere a le a Nāanmɪn nyā na ɪ a sɪ Fafaara na de kɔ ma ɪka n 'yer.

IV N sɛere na a gān nyā kɔɔ a fōs Titusɪ na sɔɔ a Yesu jūu, fɔ ɪ naa a n bie. Wāefɔ nɪ nyā'maar na yi a Sāa Nāanmɪn nɪ sɪ Fafaara Yesu Kɪrɪsɪto jie, a be a fɔ sɛ.

V Le na so ka n bar fɔ a Kɪrete paal nɪ nyā, ɪka fɔ baar maal a ala na che ka a tor, tɪ na fɔ ir nɪbere a tēn ala nɪ tāa le ɪn dōo wiil fɔ.

VI A nɪdiere wō ta ɪ nɪre 'lo nɪbe na nyere yeldebe a wō 'yōo ε, wō ɪ pɔɔ bō'yen sɔɔ, na wō ɪ nɪre 'lo a wō bibiir na sɔɔ Nāanmɪn, na ba ta ɪ bigālsɪ nɪ bibawōnsɪ ε.

VII A nɪdiere an ɪ Nāanmɪn tōmō le wō kaara jūu, wō ta ɪ tuor kɔ a nɪbe ε, wō ta ɪ nɪre suur na ire fɔfɔɔ ε, na wō mɪ ta ɪ dānburo ε, wō ta ɪ nɪre na jɛere, bu bɔɔɔ libie na ba tu sɔr ε.

VIII Wō ɪ nɪre 'lo na diere sāanba, na wō nō vɪla maalfɔ, na wō ɪ nɪre 'lo na nyɔɔɔ wō māe,

na wo ma ure a le na tor, na wo ɪ nɪcheche, tɪ kpãana wo mãe.

X Wo nyoo a yelmãe 'yer nyã tara kpẽo nitãa le an wiil. Le le won tɔo 'yɔo a bamune ãkpãen nɪ a yelmãe wiilfo tɪ den a bala na kperɛ.

X Bojũu a ba yoo bala na ɪ a bawõnsɪ nɪ 'yer pɔrsɪ nɪ bɛbelbe bala na yi a yonmarba jie.

XI A sɛɛ naa ɪka fu ŋmaa ba sɔr, bojũu ba tu naa a ba bodebe bel yir gbulo nɪbe na ba wile yelst ala na ba sɛɛ ɪka ba wile ɛ.

XII A ba yẽ soo kɔo gba dɔo 'yer a ba 'yer, "Yɪn Kɪrete dɛme un jir ŋmarba. Yɪ kaara fɪka dɔdebe, koro dɛme na buoro bɔdiir tɛɛ."

XIII A dãasɛ nyã un sɪɛ, a le jũu, kpãa ba nɪbijɛ ka a ba soofɔ kpɛme a yelmãe wiilfo pɔ,

XIV ka ba ta chele a juu nɪbe fuolst nɪ a bala na bar a yelmãe ɛ. Ba tɔr a ba wiilfo.

XV Bala jaa na tara pɔtɪvɪla, yele jaa vɪla na kɔ ba, tɪche bala na tara pɔtɪdɛɛr, na baa soo de ɛ, yele jaa un dɛɛr a ba sɛ. Sɪɛ jaa le, a ba pɔtɪɛrsɪ dɛɛ naa.

XVI Ba mɪ ɪka ba bɔon Nãanmɪn tɪche a ba maalfɔ pɔ, ba tɔr wo naa. Ba un nɪ'laarsɪ, bawõnsɪ na ba seen vɪla maalfɔ ɛ.

II

I Fɔo Titusɪ, wile a nɪbe a le na ɪ a yelmãe wiilfo.

II Wile a danyɔn ka ba bal nɪbir, le na vɛ naa ka nɪbe 'yɔonɔ ba na ba nyooɔ ba mãe, ka a ba soofɔ nɪ nɔfo nɪ kãnyir tarfo char kɔ a nɪbe.

III Le mi le, wile a pɔonyɔ̃n ka ba joro Nãanmɔn dãbãe na ba ta ɪ gagarɪ ε, bu de ba ju 'yɔ̃ɔ dãa pɔ ε, tiche ka ba wile a le na vɪla.

IV Bala wa be a nɪtɔ̃, ban tɔ̃ɔn wile a pɔɔbil nɪ yẽ ka ba nɔ̃ a ba sɪrbe nɪ a ba bibiir,

V ti nyɔɔɔɔ ba mãe nɪ pɔpɛl, ti ɪ tɔ̃tɔ̃nbɔ a yir na ba maala vɪla, ti turo a ba sɪrbe nɛε, ka nɪrɛ jaa ta nye yeldɛer a ba Nãanmɔn 'yer pɔ ε.

VI Le mi nɪ wɔ ju le, 'yɔ̃ɔ a pɔlbil ãkpãen ka ba nyɔɔɔɔ ba mãe.

VII Yele jaa pɔ, vẽ ka ba nye a fɔ̃ɔ mãe maal vɪla jãne. Vẽ ka ba nye a fɔ nɪbijɪe nɪ yelmãe a fɔ wiilfɔ pɔ,

VIII a fɔ 'yer na tor jũu, fɔ yuor kɔ̃ tɔ̃ɔ sɔ̃ɔ ε, ka a vɪ kpe a bala na kperɛ fɔ, bojũu baa nye 'yerdɛer jaa na 'yer a sɪ 'yɔ̃ɔ ε.

IX Wiil a gbãgbaar ka ba turo a ba nɪbere nɛε yele jaa pɔ, na yɪ pel a ba pɔɔr na yɪ ta liere ba nɛε ε.

X Ba tara yelmãe yele jaa pɔ, na ba ta juro a ba puor ε. Yɪn be ɪrɛ a le, yele jaa yɪn maala, ban nye naa a sɪ Nãanmɔn nyã na ɪ a sɪ yeldɛer Fafaara 'yer nɔ̃mɔ̃ a ba sã.

XI Bojũu a Nãanmɔn wiil sɪ naa a wɔ wãefɔ ka nɪrɛ jaa na tɔ̃ɔ nye faafɔ.

XII A wile sɪ naa ka sɪ na tɔ̃ɔ liɛb puor 'yɔ̃ɔ a ala Nãanmɔn na 'laar, bu vẽ ka a wer nyã vɔlaa dib sɪ ε, ti kperɛ nɪ mãe nyɔɔfɔ nɪ yeltɔrɪ nɪ yelmãe a dɪna wer nyã pɔ.

XIII A le sɪn chene chele ka a wer nyã pɔ, sɪ chene na chele a bɪbir kpẽε 'lɔ a sɪ Nãanmɔn nɪ a Yesu Kɪrɪstɔ na ɪ a sɪ Fafaara na liɛb wa nɪ a wɔ kpẽɔ.

XIV 'Lo le kpi a si jũu na wo da si faa si yin a putuyele nyã pɔ, na wo pɛɛ a si dɛbɛ bar ka si ɪ wo m̄ɛ nɪbɛ, ka vɪla maalfo ɪ si vɔlaa.

XV Wile a anyãna, na fu 'yɔɔn ba ãkpãɛn tɪ kpãana ba nɪbijɛ. Ta v̄ɛ ka nɪrɛ jaa kaa fu pɔɔ ɛ.

III

I Tɪɛr a Yesu turbo ɪka ba turo a ba nɪbɛrɛ nɪ a kpãɛn d̄ɛmɛ nɛɛ tɪ turo a le jaa ban 'yer, na ba choɔr gu vɪla jaa maalfo.

II Ba ta ma ɲmara taa poe ɛ, tɪchɛ ba tara nyã'maar nɪ nɪrɛ jaa na ba tɪɛrɛ taa ye. Ba siir ba m̄ɛ sɪrɛ jaa ka nɪbɛ nyɛ.

III Sɪ mɪ d̄ɔɔ ɪ jɔɔ a ba kaar nɪ bawõnsɪ ka a Satan bɛl sɪ ka a wer nyã bonsɪ a jaa ma ɪrɛ sɪ vɔlaa, ka sɪ lɪɛb gbãgbaar, na sɪ pãa kpɪɛrɛ nɪ ger nɪ nyuur, ka ba 'laar sɪ, ka sɪ mɪ 'laar 'laar taa.

IV Tɪchɛ a s̄ɔɔ na wa ta, a sɪ Fafaara Nãanmɪn maal vɪla nɪ a wo nõfo na wa wa,

V wo faa sɪ naa, a ba ɪ a sɪ yelvɪɛl sɪn maal jũu ɛ, tɪchɛ a wo nɪbaal jũu le. Wo faa sɪ naa na wo pɛɛ sɪ tu a dɔɔfo gbɛɛ ayi ka a wo Sɪɛ maal sɪ a sɪ ɪ nɪpaalaa,

VI a Sɪɛ nyã le a Nãanmɪn tu a Yesu na ɪ a sɪ Fafaara 'yɔɔ kɔ sɪ.

VII A le le, won ben maal sɪ ka sɪ tor a wo wãɛfo jũu, sɪ ɪn a wo b̄ɔdirbe, na sɪ lob yãan bar guro nɪ a nyevɔr 'lo na ba tara baarfɔ ɛ.

VIII Yelm̄ɛ 'yer nɪ nyã, n bɔɔɔ naa ɪka fu do ara a yelsɪ anyãna pɔ wile nɪbijɛ, a len v̄ɛ naa ka a bala na sɔɔ Nãanmɪn, de a ba s̄ɔɔ nɪ a ba

tter ure ni yelvielsi tee. A le viele naa tara tñõ kũ nure jaa.

^{IX} Tiche ta chele a jol chiirfo ni le a sãakpãmune na tu taa mana bu jere a nee 'lo ban bin a koro jaa e, bojũu a anyãna ba tara tñõ e.

^X Kpãa nure 'lo na ooro gbebõ'yen, 'lo wa tor, le kpãa wũ a gbɛɛ ayi sũ. 'Lo le wa tor, fu ir nũu tiche wũ bar.

^{XI} Fõũ mãe bõõn ıka a nure nyã to sũ lo naa, wũ mãe bõõn naa ıka wũ ın deer.

^{XII} N bũũõ naa ıka n tũ Atıması bu Tıchıkusı a fũ sũ, ãsũ jaa na wa tı, mũ tı na fũ tuor ma a be a Nikopolis, bojũu be le n bũũõ ıka n chen a ɔũ sũ.

^{XIII} Mũ na fũ sũ a 'yer tũũõ Jenası ni Apolosı ka ba ta faa bon jaa a sũ pũ e.

^{XIV} Vẽ ka a sı nıbe jãn vıla maalfũ ka ban tũõ maal a ala ban bũũõ na ba ta ı nıhayası e.

^{XV} Bala jaa na be ka a n sũ, puoro fũ naa. Puor a bala na nũ sı a sũũfũ jũu. A wãefũ a be a yı jaa sũ.

**A Nãanmun Nɛtur Oaala Gã, Burfoor
Birifor, Southern: A Nãanmun Nɛtur Oaala Gã,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772